

تلفون ۱۰۹۷

حجرتیلا صوفیہ

نسخہ سی ۴۰ پارہ در .

اپونہ سی: برسنک اعتباریہ ممالک مٹانیہ
ایچون پشین اولہرق ۴۰ آلی آلی ۲۰
غروش و عمالک اجنبیہ ایچون اون ایک فرائقدر

محل اداره باب عالی جوارندہ ابوالسود
جادہ سندہ نجم استقبال مطبعہ سی

شیمدیلک ہفتہ در نشر اولنور .

امور اداره و تحریریہ و اعلانات و ساثرہ
ایچون مدیر مشولہ سراجت ایدلیدر .

عرفای امتک مقالات متصوفانہ لربنہ
جریدہ صوفیک صحنہ لری آجیتدر .
درج ایدلیان اوراق اعادہ ایدلز .

عدد ۱۰۶

تصوفی ، دینی ، اخلاقی ، ادبی ، سیاسی جریدہ اسلامیہ در .

سنہ ۴

قرآن کریم

بسم الله الرحمن الرحيم

استعذبالله : استحوذ علیہم الشیطان فانساہم ذکرہ اولئک
حزب الشیطان الخ

مألاً ترجمہ : شیطان کفار و منافقہ غلبہ و آنلری
استیلا ایدوب ام (تعالی و تقدس) ک ذکرہی آنلرہ اونوتدردی .
آنلر شیطانک عسکریدر . ای انسانلر آکام اولک کہ شیطانک عسکری
نعمت سرمدی اولان ایمانی ترک و غائب ایدرک عذاب ابدیہ
دوچار اولان زیانکارلردر افادہ : ذکر و ترجمہ شریف ایدیلان
آیت جلیلہ سورہ شریفہ مجادلہ نک اون طقوزنجی ایت کریمہ سیدر
بووبوندن اولکی بش عدد آیات قرآنیہ ، سطوت قاهرہ اسلامیہ
و شوکت باہرہ اجلالیہی قلوب کافرہیہ القای رعب و اراث دہشت
ایدن شریعت احمدیہ نک سیف صارم جلالہندن مال و جانلری
قور تارمق زعم باطلیلہ ظاہراً اسلام کورونوب بوخصوصدکی
مینلری کنیدلرینہ سپر اتحاد ایدنہ رک جناب حقہ و رسول اکرمہ
عداوت اوزرہ مصر اولان اقوام کافرہیہ مودت ایدن وانلرہ ہمحال
اولان منافقین حقندہ مہابتزول بیورلمشدر .

قلوب قاسیہ اربابی اوزرینہ شیطانک استحاذسیلہ ذات احدیت
کبریائک ذکرہی اونوتدرمش اولسندن اوقلوب جامدہدہ مخافہ
بولنہمز . بناء علیہ اوجنود شیطانیہ لعین مقہورک استیلاسی سبیلہ
خسران ابدیہ مظہر دوشمشلردر ایستہ آنک ایچون آلت نفاق
اولان لسانلرندن حقک ذکرہی ایشیدلرز . فارہ پورکلرندہ ام
قورقوسی بولنژدہ آباء کافرہ و آلہ خامرہ لرینک یاد و تذکاریلہ تناجی
ایدرلرکہ بو آیت جلیلہ (استحوذ علیہم الشیطان) نک داخل بولندینی
سورہ کریمہ مجادلہ اوخذلہ مقہورہ نک لثامت مفکورہ لری صراحتاً
بیان بیوریور .

حکمتک باشی ام قورقوسیدر : دستور جلیل اوزرینہ فکر
یورنمکدن ایسہ سورہ جلیلہ (زمر) ک [افن شرحہ] ایلہ

باشلایان یکرمی برنجی آیتلہ یکرمی ایکنجی آیت جلیلہ سنک مال
منیفی ذکر و بیان ایتمک جناب حقک قبول اسلامہ مستعد بیوردینی
صدور مشروطہ و قلوب منورہدہ مخافہ طو لایسیلہ عدل و حکمتک
موجودیتی و قبول حقندن مہجور اولان قلوب قاسیہدہ مفقودیتی
اثبات ایتمش اولہجفر شویلہ کہ : مذکور ایکی آیت جلیلہدہ ام
قورقوسی حامل اولان حکماً باللہی وام قورقوسی طاشیمیان ارباب
قاسیہ قلوبی تعریف ایدرک ام اعلم بیوریلورکہ [دنیا و آخرتدہ]
نعم جلیلہ الہیہ مظہریتلہ سلامت حقیقیہی موجب اولان ہرفان
باللہی و حکمت بالغہ سیر فی اللہی اصلاً و حقیقتاً تضمن ایدن نشئہ
فیاض اسلامک انکشاف و انتشاریلہ انوار فیضا فیضندن افاضہ
و استفاضہ ایتمک ایچون معلومات الہیہی اولان اعیان ثابتہ و شؤونات
ذاتیہدن استمداد ازلی و خلقت اصلسی نزد پاک احدیتدہ و حضرت
علم الوہیتدہ محقق اولان ذات مؤمنہ کی مصباح ایمانک تجلیکام
لاہوتیسنہ موضوع بولنان زجاجہ حقیقت قلبیہ نک ساحۂ مشکاۃ
ناسوتیسی مثابہ سندہ کی صدرنی ، منابع حکمت و مشارع عزت اولوق
اوزرہ شرح و تنویر ایدرک اوعبد خاص و خالص اولان مؤمن ،
نور ہدایت صمدانیہ اوزرہ ثابتقدم اولغلہ عمر مسرای محبوبیتدہ
وصلت دیدار ربوبیتہ مظہر اولوب قالدینی کی نام پاک الوہیت و قرآن
باہر الیای ربوبیتک ذکر و تلاوتی استماعدن بوسبتون ظلمت جہل
و نادانیدہ کدورت مغنویہ مبتلا اولان و شؤونات اولیہ و اعیان
ابتدائیہدہ قبول حقیقت اسلامیہ مستعد اولیان و بناء علیہ
انشراح صدر و ہتدایہ قابلیت بولنایان صدور مظلومہ کی قلوب
قاسیہ اربابنہ قہر عظیم و عذاب الیمک محقق اولدینی . [وامرونیہ
محکم و تأویلی ، انذار و تبشیری مادیات و مغنویات ، دنیویات و اخرویاتی ،
ودھا بوکی مہام امور متنوعہی جامع و الفاظ و معانیسی طرز اعجاز
کاریدہ یکدیگری مؤید و آیات ینانک ہربری دیکرینک احکامنی
مشید اولمقدہ و الفاظ و اعرابی قواعد لسان و لغات عربیہ تطابق
ایتدیکی کی بعض آیات کریمہ سنک ظاہرینہ نظراً و احیک صورت
امکندن تجلیسی آکلاشلدینہ منی ارباب بنی و فسادک آنی کلام
حادث ظن ایشدکری حالہ مثالی اتیان و تنظیمدن عاجز قالملریلہ

مأل عاليسی : — هر بر شيتك خاصى ، كال وجوهى واردر .
كال تتوانك تحليكهائى ده اهل سكوت وعرفانك كوكلريد .
قلعه سلطانيه لى :

على طيار

دستور الهی

حکمت شرعيه سياسيي جامع اولوب نوع بشره دستور اخلاقي سياسي اولان [ان الله يأمر بالعدل والاحسان وایاء ذی القربى وینهى عن الفحشاء والمنکر والبني يعظکم لعلکم تذكرون] آیت جليله سنك تفسیرنده فخرالدين رازى روجه آتی بیاناتيله قلوب انسانيتى تنوير ایدیه یور . اشبو آیت کریمه نك فضائل اولقدر کثیردرکه تعداد اوله من عثمان ابن مظعون جمعی حضرتلری دیورکه بنم اسلامیه دخولم ذات حضرت نبوتناهیه قارشو پك محجوب قالدیغمدن ناشی در . چونکه اسلامیت هنوز قلمده رسوخ واستقرار بولامش ایدی . بر کون حضور سعادتده حاضر ایدم . ذات حضرت رسالتناهیه اتناى کلامده کوزدم که نظر هایونلری کاه سمایه توجه ایدیه یور کاه زمینه منعطف اولیوردی . صکردهده صاغ چهته اماله نظر ایللیوردی . حضرت فخر عالمک بو حال عییندن سوال ایتدم بیوردیلرکه شمدی حضرت جبریل امین ایله مکالمه ایدیه یوردم . « ان الله يأمر بالعدل والاحسان » آیت جليله سی شرفازل اولدی . عدل شهادت ان لاله الا الله اولدینی کبی احسانده فرائض قیام واذادن عبارتدر . ایتاء ذی القربا صله رحمدر نهی عن الفحشاء زنادن توقی در . منکرده شریعت وستک نهی ایتدیکی شیردر . بنی ایسه استطالهدن عبارتدر . عثمان ابن مظعون دیورکه اشبو افادادن اولقدر متأثر اولدم که تعریف ایدم ایمان قلمده رسوخ بولدی کمال انبساط ایله ابی طالبه کلدیم . ایمان ایتدیکی خبر ویردم . احوال جاریه یی تمامیه حکایه ایلدم . او وقت ابی طالبده ای معشر قریش بنم قرنداشم اوغلنه اتباع ایدک سزه منهاج فوز ورشادی تعیین ایدیه یور مکرم اخلاقی کوستره یور . حضرت رسول اکرم نعی اولان ابوطالبک بوتلقیناتی کورنجه عمجه سن ناسک ریشی بولنیورسک انلره امر ایدیکنز که بو منهاج مستقیمه داخل اولهرق فیض کریم الهی مظهر اولسونلر . بو بیاناتده ثباتکیزی نیاز ایدرم دیدی .

ابن مسعوددن روایت اولنیورکه اشبو آیت جليله اعمال خیر وشری امر ونهی ایدن آیات جليله دندر . حضرت قتادهدن روایت اولندی که وقت جهالتده بیله عمل واستحباب اولنان احکام اشبو آیت جليله ده کوسترلدی . امر ونهی بیورلدی فضائل و رزائل اخلاق مقتضیاتی کوسترلدی . ابن عباس حضرتلری دیورکه عدل شهادت ان لاله الا الله در . احسان ایسه ادای فرائضدر . روایت اخراده ایسه عدل وحدانیت الهیه یی تقریردر . احسان ایسه فیاض کریمی

کلام قدیم اولدینی تحقق ایتکده اولقله برابر هر لفظ و ترکیبک معانی جلیله سی قلوب مؤمنینی تسخیر و تنویرده ، و بری دیگرینی مؤید اولهرق ورود ایدن آیات کریمه سی معانی تقریر والفاظ تسطیرده بربرینه مشابه وصفات ثبوتیه الهیه دن اولمق مناسبتیه وجهه لاهوتیه سی کلام نفسی ازلی وجهت ناسوتیه سی کلام لفظی لم یزلی اولدینیچون و احکام صوریه جهتدن شریعت ، و شئونات معنویه هیئتدن حقیقی مشعر بولندیچون (مثانی) یعنی ایکی قوت و ایکی طرفی شامل بولنان احسن کلام و کتاب کریمی یعنی قرآن عظیم و فرقان حکیمی وحی ایزال بیوردینی و قلمبرنده الله قورقوسی اولان و رب عظیم الشانلرینک خشیتیه مستمر الحضور بولنان مؤمن کاملارم اوقران مبین و فرقان متینی استماع ایتماردن جذبه دار اولدقلری حالده وجودلرینک دریلری دتر و تویلری اورپررده جسم و جسدلری قوه قلبیه یی احراز ایدرک قلمبریه برابر عشق الله و محبت اللهله انبساط حاصل ایدوب کمال شوق ایله حقت ذکرنه و کتاب کریمه تمسک ایلدکلرینی جناب فیاض مطلق حضرتلری اراده وفرمان بیوریور : ذلک هدی الله یهدی به من یشاء .

فاتح — درانغان

مصطفی فوزی

حدیث شریف

اجتماعی واداری احادیث شریفه :

۱ — « رواه الدیلمی عن ابی بکره »
کما تکنونوا بولی علیکم .
مأل عاليسی : — نه حال اوزره بولنیورسه کز اوصورتله اداره اولنیورسکز .

۲ —
تمودوا بالله من الفقر والقلة والذلة وان تظلم وتظلم .
« رواه احمد وابن ماجه عن ابی هریره »
مأل عاليسی : — یوقسوللق ، آزالق ، مزیتسزلکدن ، ظلمکارلق ،
یاخود مظلوم اولمقلقدن جناب حقه صیغکنز .

۳ —
تمودوا بالله من اماره الصبيان .
« رواه احمد عن ابی هریره »
مأل عاليسی : — صبیانک تدویر امورندن الله التجا ایدیکنز .

۴ —
لکل شیء معدن ومعدن البقوى قلوب العارفين .
« رواه الطبرانی عن ابن عمر »